



門中  
孫 584  
卷 5

平治會萃第一

薛氏醫按

元 震亨 著

明 薛 己 校 吳玄有閱

中風

中風不治證口開手撒眼合遺尿吐沫直視喉如鼾睡肉脫筋痛皆不治 大率治風主血虛有痰以治痰為先或虛挾火與熱 亦有死血流滯者外中於風者亦有中氣者當從痰治順氣化痰

半身不遂大率多痰在左屬死血無血在右屬痰有熱氣虛在左者四物湯等加桃仁紅花竹瀝薑汁在右者二陳湯四君子等加竹瀝薑汁

痰壅盛者口眼喎邪者不能言者皆當吐



吐法輕用瓜蒂鰕汁皂角重用藜蘆半錢或三分加麝香灌入鼻內或口內吐痰出一吐不已再吐之亦有虛而不可吐者氣虛卒倒參芪補之

氣虛有痰濃參湯合竹瀝薑汁 血虛宜四物湯俱用薑汁炒恐泥痰再加竹瀝薑汁入內服能食者去竹瀝加荆瀝 又法以猪牙皂角白礬等分爲末薑湯調下名稀涎散 血虛者四物湯補之

挾痰者亦用薑汁竹瀝

脉訣內言諸不治證見則不可治筋枯者不治舉動則筋痛者是筋枯以其無血滋潤故也

治痰氣實能食用荆瀝 氣虛少食用竹瀝然此二味用開經絡行血氣入四物湯中必用薑汁助之

肥白人多濕少用附子烏頭行經

初昏倒急掐人中至醒然後用去痰藥二陳湯四物四君子等湯加減用

### 六鬱

戴云鬱者結聚而不得發越也當升者不得升當降者不得降當變化者不得變化也此爲傳化失常六鬱之病見矣氣鬱者胸膈痛脉沉滯濕鬱者周身走痛或關節痛遇陰寒則發脉沉細痰鬱者動則卽喘寸口脉沉滑熱鬱者瞀小便赤脉沉數血鬱者四肢無力能食便紅脉沉食鬱者噯酸腹飽不能食人迎脉平和氣口脉緊者是也

氣血冲和萬病不生一有拂鬱諸病生焉

氣鬱 香附子

蒼朮

川芎

濕	蒼朮	川芎	白芷
痰	海石	香附	南星
熱	青黛	香附	蒼朮
血	桃仁	紅花	青黛
食	蒼朮	香附	針砂 <small>醋炒</small>
	春加芎	夏加苦參	秋冬加吳茱萸
	越鞠丸	解諸鬱	又名芎朮丸
	蒼朮	香附	撫芎
			神麩
			梔子

右為未水丸如菜豆大

凡鬱皆在中焦以蒼朮撫芎開提其氣以升之假如食在氣上提其氣則食自降餘皆倣此

厲

大風病是受得天地間殺物之氣古人謂之癘風者以其酷烈暴悍可畏耳人得之者須分在上在下夫在上者以醉仙散取涎血於齒縫中出在下者以通天散取惡物陳蟲於穀道中取出雖有道之異然皆不外乎陽明一經治此證者須知此意看其疔瘡與瘡上先見者上體多者在上也下先見者下體多者在下也上下同得者在上復在下也陽明胃經與大腸無物不受此風之入人也氣受之則在上多血受之則在下多血氣俱受之者上下俱多也自非醫者神手病者鐵心罕見免此夫從上從下以漸而來者皆可治人見其病勢之緩多忽之雖按法施治病已痊可若不能忌口絕色皆不免再發發則終于不能救也余曾治五人中間惟一婦人不再發以其貧甚而且寡無物可食也餘四人三四年後皆再發孫真人云吾嘗治四五

十人終無一人免於死非真人不能治蓋無一人能守禁忌耳  
此婦人本病藥外又是百餘貼加減四物湯半年之上方得經  
行十分安愈 治法 在上者醉仙散在下者通天再造散後  
用通神散及三稜針於委中出血但不能忌口絕房者不治  
醉仙散

胡麻仁 牛蒡子 蔓荊子 枸杞子 各半兩為粗末同炒紫色

白蒺藜 苦參 防風 各半兩

右八味為細末每一兩半入輕粉二錢拌勻大人一錢空心  
日午臨睡各一服淡茶調下五七日間必然齒縫中出臭涎  
水渾身覺痛昏悶如醉利下惡臭屎為度量大小虛實加減  
與之證候重而急者須以再造散下之候補養得還復與此  
藥喫須斷鹽醬醋諸般魚肉椒料果子燒炙等物止可淡粥

及淡煮熟時菜食之茄尚不可食惟有烏稍蛇菜花蛇可以  
淡酒煮熟食之以助藥力

再造散

鬱金 半兩 大黃 一兩 皂角刺 一兩 白牽牛 頭末六錢

右為末五錢臨夜冷酒調下以淨桶伺候泄出蟲如蟲口黑  
色乃是多年蟲口如赤色是近者三四日又進一服直候無  
蟲即絕根也

寒 主乎溫散

有卒中天地之寒氣有口傷生冷之物

戴云此傷寒謂身受肅殺之氣口食冰水瓜果冷物之類病者  
必脉沉細手足冷息微身倦雖身熱亦不渴倦言語或遇熱病  
誤用此法輕者至重重者至死凡脉數者或飲水者或煩燥動

搖者皆是熱病寒熱二證若水火也不可得而同治誤即殺人  
學者慎之

傷寒

傷寒必須身犯寒氣口食寒物者從補中益氣湯中加發散藥  
屬內傷者十居八九其法邪之所湊其氣必虛只用補中益氣  
湯中從所見之証出入加減氣虛熱甚者少用附子以行參芪  
之劑如果氣虛者方可用此法 已上傷寒治法可用于南方不宜北

暑

戴云暑乃夏月炎暑也盛熱之氣著入也有胃有傷有中三者  
有輕重之分虛實之辨或腹痛水瀉者胃與大腸受之惡心者  
胃口有痰飲也此二者胃暑也可用黃連香薷飲益黃連退暑  
熱香薷消暑水或身熱頭疼躁亂不寧者或身如針刺者此為

熱傷在分內也當以解毒白虎湯加柴胡氣如虛者加人參或  
咳嗽發寒熱盜汗出不止肺數者熱在肺經用清肺湯柴胡天  
水散之類急治則可遲則不可治矣成火乘金也此為中暑凡  
治病須要明白辯別慎勿混同施治春秋間亦或有之切莫執  
一隨病處方為妙

黃連香薷飲 挾痰加半夏 乘虛加人參黃芪或清暑益

氣湯加減用

注夏 屬陰虛元氣不足

戴云秋初夏末頭痛脚軟食少體熱者是也補中益氣湯去柴  
胡升麻加炒黃柏挾痰止用南星半夏陳皮之類或生脉散出  
千金方

暑風

戴云暑風者夏月卒倒不省人事者是也有因火者有因痰者  
火君相二火也暑天地二火也內外合而炎燥所以卒倒也痰  
者人身之痰飲也因暑氣入而鼓激痰飲塞碍心之竅道則手  
足不知動躡而卒倒也此二者皆可吐內經曰火鬱則發之挾  
火挾痰實者可用吐法吐即發散也量其虛實而吐之吐醒後  
可用清劑調治之

濕

戴云濕有自外入者有自內出者必審其方土之致病源東南  
地下多陰雨地濕凡受必從外入多自下起以重腿脚氣者多  
治當汗散久者宜疎通滲泄西北地高人多食生冷濕麵或飲  
酒後寒氣怫鬱濕不能越作腹皮脹痛甚則水鼓脹滿或通身  
注腫如泥按之不起此皆自內而出也辯其元氣多少而通利

其二便責其根在內也此方土內外亦互相有之但多少不同  
須對證施治不可執一

本草蒼朮治濕上下俱可用

二陳湯加酒芍羌活蒼朮散風行濕最妙

內傷

內傷病退後燥渴不解者有餘熱在肺家可用參苓甘草少許  
姜汁冷服或茶匙挑薑汁與之虛者可用人參湯 世之病  
此者為多但有挾痰者有挾外邪者有熱鬱於內而發者皆以  
補元氣為主看其所挾之病而兼用藥

火

有可發者二 風寒外來者可發 鬱者可發

陰虛火動難治火鬱當發看何經輕者可降重則從其性升之

實火可瀉小便降火甚遠凡氣有餘便是火火急甚重者必緩  
之生甘草兼瀉兼緩人參白朮亦可 人壯氣實火盛顛狂者  
可用正治或硝水水飲之人虛火盛狂者可用生薑湯與之  
若投以冰水正治立死有補陰即火自降者炒黃柏地黃之類  
山梔子仁大能降火從小便泄去其性能屈曲下行降火人  
所不知凡火盛者不可驟用涼藥必用溫散 入方  
左金丸 治肝火

黃連六兩 茱萸一兩或半兩 水丸白湯下五十丸

傷風

戴云新咳嗽聲重者是也

屬氣者多 散宜辛溫或辛涼之劑

發癩 屬風熱

戴云癩有色點而無頭粒者是也  
風熱挾痰而作自裏而發于外通聖散消息當以微汗以散之  
下之非理也 內傷癩者胃氣極虛一身火遊行於外所致宜  
補以降之發癩似傷寒者痰熱之病發于外微汗以散之下之  
非理也

疹

戴云疹浮小有頭粒者是隨出即收收則又出者是也非若癩  
之無頭粒者當明辯之 屬熱與痰在肺清肺火降痰或解散  
出汗亦有可下者

溫病

眾人病一般者是也又謂之天行時疫有三法宜補宜降宜散

入方



能氏醫抄  
大黃 黃芩 黃連 人參 桔梗  
防風 蒼朮 滑石 香附 人中黃

右爲未神麴爲丸五七十丸分氣血痰作湯使氣虛四君子湯血虛四物湯痰多二陳湯送下如熱甚者可用童子小便送下

大頭天行病東垣有方

羌活 酒苓 大黃 酒蒸

冬溫爲病非其時而有其氣者冬時君子當閉藏而反發泄於外專用補藥帶表

入方以竹筒兩頭留節中作一竅納甘草於中仍以竹木釘閉竅於大糞缸浸一月取出晒乾治疫毒

瘧

有風有暑有食老瘧瘧無痰病

老瘧病此係風暑入陰分在臟用血藥川芎撫芎紅花當歸加蒼朮白朮白芷黃柏甘草煎露一宿次早服之無汗要有汗散邪爲主帶補有汗要無汗正氣爲主帶散有瘧母者用丸藥消導醋煮鱉甲爲君三稜蓬朮香附隨證加減二三日一發者受病一年間發者受病半年一日一發者受病一月連二日發者住一日者氣血俱受病一日間一日者補藥帶表藥後用瘧丹截之在陰分者用藥微起在陽分方可截

入方

草果 知母 檳榔 烏梅 常山  
甘草 多 川山甲

用水酒一大碗煎至半碗露一宿臨發時前二時溫服如吐

則順之

截瘧青蒿丸

青蒿<sup>一</sup> 冬青葉<sup>二</sup> 馬鞭草<sup>二</sup> 官桂<sup>二</sup>

右三藥皆晒乾秤為末水丸如胡椒子大每服作四服於當

發前一時服盡

大發暑風必當發汗夏月多在風涼處歇遂閉其汗而不泄因食者從食上得瘧而虛者要用參朮一二貼托住其氣不使下陷後用他藥治內傷挾外邪者同法內必主痰必以汗解二陳湯加常山柴胡黃芩草果

瘧而甚者發寒熱頭痛如破渴而飲水自汗可與參芪朮苓連

梔子川芎蒼朮半夏等治

久病瘧二陳湯加川芎蒼朮柴胡葛根白朮一補一發

咳嗽

風寒 火主降火 勞 肺脹 火鬱 痰主降痰

戴云風寒者鼻塞聲重惡寒者是也火者有聲痰少面赤者是也勞者盜汗出兼痰者多作寒熱肺脹者動則喘滿氣急息重痰者嗽動便有痰聲痰出嗽止五者大槩耳亦當明其是否也

風寒行痰開腠理二陳湯加麻黃杏仁桔梗

火清金化痰降火 一本云降火清金化痰

勞四物湯中加竹瀝薑汁必以補陰為主也

肺脹而嗽者用訶子青黛杏仁訶子能治肺氣因火傷寒遂成鬱遏脹滿取其味酸苦有收斂降火之功佐以海蛤粉香附瓜

黃青黛半夏神麩

食積痰作嗽發熱者半夏南星為君瓜萋羅蔔子為臣青黛石 礞石使

火鬱嗽者訶子海石瓜蒌青黛半夏香附

咳嗽聲嘶者此血虛受熱也用青黛蛤粉蜜調服

久嗽風入肺用鷺管石雄黃鬱金欵冬花碾末和艾中以生薑

一片留舌上炙之以烟入喉中為度

乾咳嗽者難治此係火鬱之証乃痰鬱火邪在中用苦梗以開

之下用補陰降火不已則成勞倒倉好此証不得志者有之一

本作此證不得愈者用之

嗽而脇痛宜疎肝氣用青皮等方在後二陳湯加南星香附青

黛薑汁

治嗽藥大槩多用生薑者以其辛散也

上半日嗽多者屬胃中有火貝母石膏能降胃火

午後嗽多者此屬陰虛必用四物湯加知母黃柏先降其火五

更嗽多者此胃中有食積至此時候流入肺金知母地骨皮降肺火

火氣浮於肺者不宜用涼藥用五味五倍斂而降之有痰因火

逆上者先治火後治其痰

肺虛甚者用參膏此好色腎虛有之以生薑陳皮治之大槩有

痰者可加痰藥治之

治嗽多用粟殼不必疑但要先去病根此乃收後之藥也 師

云陰分嗽此多屬陰虛治之

有嗽而肺脹壅遏不得眠者難治

治嗽烟筒

佛耳草 欵冬花 鵝管石

右為末用紙捲燒其烟熏之或白湯調亦得

治嗽有痰天突肺膈二穴灸治嗽泄火熱大瀉肺氣三椎骨下

橫過各一寸半是穴

嗽春是春升之氣用清藥二陳加薄荊之類夏是火炎上最重  
冬連秋是濕熱傷肺冬是風寒外來用藥發散之後以半夏必  
逐去痰庶不再來

入方 治嗽劫藥

五味子兩 五倍子錢一 甘草半二錢 風化硝一錢  
右為末以蜜為丸噙化之

痰 脈浮當吐

凡治痰用利藥過多致脾氣下陷則痰反易生多

濕痰 用蒼朮 白朮

老痰 海石 半夏 瓜萸 香附 五倍子

熱痰 用青黛 黃芩 黃連

食積痰

神麴

麥蘖

山楂子

痰在腸胃間者可下而愈痰在經絡中者非吐不可出吐法中  
就有發散之義也

膈上之痰必用吐之瀉亦不能去也

氣實痰熱結在上者則吐吐難得出或成塊或吐咯不出氣滯

兼鬱者此則難治矣

膠固者必用吐之 吐法兼用牙茶蘘水薑汁醋少許瓜萸散

少許加防風桔梗皆升動其氣便吐也

吐法 用附子尖 桔梗 人參蘘

瓜蒂不甚 藜蘆 艾葉 末茶

右藥此皆自吐不用手探但藥但湯皆可吐

吐法先以布搭膊勒腰於不通風處行此法蘿蔔子半升搗和

以漿水一椀濾與粗入少油與蜜旋至半温服後以鵝翎探吐

凡用鵝翎須以桐油浸却以皂角水洗去肥晒乾用之

又法用鰕帶壳半斤入醬葱薑等料物煮汁先喫鰕後飲汁以翎勾引吐必須緊勒肚腹

二陳湯一身之痰都能管如在下加下引藥如在上加上引藥

凡人身上中下有者多是痰也問其平日好食何物吐

下用藥  
許學士用蒼朮治痰飲成窠藥一邊行極効痰挾瘀血遂成窠

藥痰之清者屬寒用二陳湯之類  
內傷挾痰必用人參黃芪白朮之屬多用薑汁傳送或用半夏

之屬虛甚者宜加竹瀝  
痰熱者多挾風外證為多

濕痰多軟如身倦而重之類熱者清之食積者必用攻之兼氣

虛者用補氣藥送  
因火盛逆上者治火為先白朮黃芩石膏之類中氣不足則加

人參白朮痰之為物隨氣升降無處不到脾虛者清中氣二陳

加白朮之類兼用提藥  
中焦有痰則食積胃氣賴其所養卒不便虛若攻之盡則虛矣

眩暈嘈雜乃火動其痰用二陳湯加梔子芩連為君南星

噫氣吞酸此係食鬱有熱火氣上動以黃芩為君南星半夏為

臣橘紅佐之熱多者加青黛  
痰在脇下非白芥子不能達

痰在皮裏膜外者非薑汁竹瀝不可達  
痰在膈間使人顛狂健忘宜用竹瀝風痰亦服竹瀝又能養血  
痰在四肢非竹瀝不開

痰結核在咽喉燥不能出入化痰藥加軟堅鹹藥味

杏仁 海石 桔梗 連翹

瓜蒌仁少佐朴硝

右以薑汁蜜調丸噙化之

海蛤即海石執痰能降濕痰能燥結痰能軟頑痰能消可入丸

子未子不可入煎藥

黃芩治熱痰假以降其熱也

竹瀝滑痰非薑汁不能行經絡也

枳實瀉痰能衝牆壁 五倍子能治老痰

小胃丹治膈上痰熱風痰濕痰肩膊諸痛然能損胃氣食積痰

實者用之不宜多

青礞石丸去濕痰重在風化硝

潤下丸降痰最妙

陳皮牛斤去白以水化鹽半兩拌陳皮一方不去白甘草

右為末蒸餅丸菴豆大每服三五丸溫水送下油炒半夏

大治濕痰又治喘止心痛粥丸薑湯下

痰方 黃芩心空 香附 半夏薑製 貝母 已上治濕痰加

瓜蒌仁 青黛 作丸子治濕痰

中和丸 治濕痰氣熱

蒼朮 黃芩 半夏 香附

右各等分為末粥丸

濕痰方亦治白濁因痰者

南星兩 半夏兩 蛤粉二兩 青黛為末

右為末神麩糊丸

蘇氏醫方

蘇氏醫方

三

地

痰嗽方

黃芩一兩半 滑石兩半 貝母兩 南星兩 風化二錢半  
白芥子半兩 去壳

導痰湯

半夏四兩 南星 橘皮 枳殼 赤茯苓兩半 甘草五錢

干縉湯

半夏七枚 皂角去皮炙一寸 甘草炙一寸  
生薑四片 煎服治喘

治痰方

南星 半夏 滑石 輕粉各三錢 巴豆三十粒  
右用皂角仁浸濃汁丸如梧桐子大每服五七丸

黃連化痰丸

黃連兩 陳皮兩半 吳茱萸酒浸半 半夏兩  
右為末入桃仁二十四箇研如泥和勻神麩糊丸如菉豆大每服百丸薑湯送下

消痰方

鹽元散七錢 吳茱萸三錢

治鬱痰方

白殭蚕 杏仁 瓜蒌 訶子 貝母

喘

戴云有痰喘有氣急喘有胃虛喘有火炎上喘痰喘者凡喘便有痰聲氣急喘者呼吸急促而無痰聲有胃虛喘者擡肩擷肚喘而不休火炎上喘者乍進乍退得食則減食已則喘大槩胃

地黃

中有實火膈上有稠痰得食咽墜下稠痰喘即止稍久食已入胃反助其火痰再升上喘反大作俗不知此作胃虛治以燥熱之藥者以火濟火也 葉都督患此諸醫作胃虛治之不愈後以導水丸利五六次而安

凡久喘未發以扶正氣為要已發以攻邪為主

有氣虛短氣而喘 有痰亦短氣而喘

有陰虛自小腹下火起而上者

喘急有風痰者婦人大全良方千緡湯

陰虛有痰喘急者補陰降火四物湯加枳壳半夏

氣虛者人參蜜炙黃柏麥門冬地骨皮之類

大槩喘急之病甚不可用苦藥涼藥火氣盛故也可用導痰湯

加千緡湯治之

諸喘不止者用劫藥一二貼則止之劫藥之後因痰治痰因火

治火椒目碾極細末用一二錢以生薑湯調下止之

又法用蘿蔔子蒸熟為君 皂角燒灰等分為末以生薑汁煉

蜜為丸小桐子大每服五七十九丸噙化之

哮喘 專主於痰宜吐法

治哮喘必用薄滋味不可純用涼藥必帶表散

治積方 用雞子畧敲殼損膜不損浸於尿缸內三四日夜取

出者熟食之効蓋雞子能去風痰

痢 身熱 後重 腹痛 下血

戴云痢雖有赤白二色終無寒熱之分通作濕熱治但分新舊

更量元氣用藥與赤白帶同

身熱挾外感 不惡寒小柴胡湯去人參



惡寒發熱為表證宜微汗和解

蒼朮 川芎 陳皮 芍藥 甘草 生薑煎服

後重積與氣鬱墜下兼升兼消

或氣行血和積少但虛坐努力此為亡血倍用歸身尾却以生

芍藥生地黃桃仁佐之復以陳皮和之

或下痢而大孔痛者此因熱流於下也用

木香 檳榔 黃芩 黃連 炒乾薑

或纏退減十之七八積已盡糟粕未實當炒芍藥炒白朮炙甘

草陳皮茯苓湯下固腸丸三十粒然固腸丸性燥有去濕實腸

之功恐滯氣未盡者不可遽用此藥只宜單服此湯可也

或痛後糟粕未實或食稍多或饑甚方食腹中作痛者切勿驚

恐以白朮陳皮各半蓋和服和之則安

或久痢後體虛氣弱滑瀉不止又當以訶子肉豆蔻白礬半夏

之類擇用以澁之甚則加牡蠣然須以陳皮為佐若大澁亦能

作痛又甚者灸天樞氣海

右方用厚朴為瀉凝滯之氣然補太溫而散氣久服大能虛人

滯氣稍行即去之餘滯未盡以炒枳殼陳皮然枳殼亦能耗氣

比之厚朴稍緩比陳皮亦重滯退一半當去之只用陳皮以和

諸藥陳皮去白有補瀉之兼才若為參朮之佐亦能補也

凡痢疾腹痛必以白芍藥甘草為君當歸白朮為佐惡寒痛者

加桂惡熱痛者加黃柏達者更能參以歲氣時令用藥則萬舉

萬全豈在乎執方而已哉

諸不治證

下痢純血者必死

下痢如塵腐色者死

下痢如屋漏者死 下痢如竹筒注者不可治

下痢如魚腦者半生半死

噤口痢 胃口熱甚故也

黃連多加人參煮湯終日呷之如吐了再喫開以降之人不知此多用溫藥甘味此以火濟火以滯益滯一方臍中用田螺盪之以引下其熱

亦有誤服熱藥瀉藥之毒犯胃者當明審以祛其毒

大黃 黃芩 黃連 黃柏 枳殼 當歸 滑石

甘草 桃仁 白芍 白朮各生分

右為末神麴糊丸

孫郎中因飲水過多腹脹瀉痢帶白

蒼朮 白朮 厚朴 茯苓 滑石

脾泄

治一老人奉養太過飲食傷脾常常泄瀉亦是脾泄

白朮二兩 白芍藥一兩酒炒 神麴一兩炒 山查一兩炒 半夏一兩洗

黃芩五錢炒 右為末荷葉包飯燒為丸

治一老人年七十面白脉弦數獨胃脉沉滑 白酒作痢下

血淡水饑後腹痛小便不利裏急後重參朮為君甘草滑石檳榔木香蒼朮最少下保和丸二十五丸第二日前證俱減獨小

便不利以益元散服

霍亂

戴云霍亂者吐也有聲有物凡有聲無物而躁亂者謂之乾霍亂也轉筋不住男子以手挽其陰女子以手牽其乳近兩傍邊此乃千金妙法也

千金妙法也

內有所積外有所感陽不升陰不降乖隔而成矣切勿與米湯食之立死 脉多伏爲絕

見成吐瀉不徹還用吐提其氣起 大法生薑理中湯最好有可吐者有可下者吐用二陳湯加減亦可

或樟樹木煎湯吐亦可

乾霍亂

此病最難治死在須臾升降不通故也此係內有所傷外有邪氣所遏也有用吐法者則兼發散之義也吐提其氣亦是良法

世多用鹽湯

有用溫藥解散者其法解散不用涼藥

二陳湯加解散

川芎防風蒼朮白芷

嘔吐

右煎下保和丸

小兒八歲下痢純血以食積治

蒼朮

白朮

黃芩

白芍

滑石

茯苓

甘草

陳皮

炒麩

煎下保和丸

又下痢法熱不止者屬陰虛用寒涼藥兼升藥執藥

泄瀉

濕

氣虛

火

痰

食積

戴云凡瀉水腹不痛者是濕也飲食入胃不住或完谷不化者

是氣虛也腹痛瀉水腹鳴痛一陣瀉一陣是火也或瀉時或不

瀉或多或少是痰也腹痛甚而瀉瀉後痛減者食積也

濕燥濕兼滲泄之四苓散加蒼朮白朮甚者二朮炒氣虛用人

參白朮炒芍藥升麻

火宜伐火利小便黃芩木通入四苓散

薛氏醫案

平治會萃第一

七

也直正

痰清宜豁之海石青黛黃芩神麩蛤粉或用吐法  
食積宜消導疎滌之神麩大黃

已上諸藥皆作丸子服之

凡泄瀉水多者仍用五苓散治之

世俗類用瀝藥治痢與瀉若積久而虛者或可行之而初得之  
者恐必變他疾為禍不小矣殊不知多因于濕惟分利小水最  
為上策

正瀉方

肉豆蔻 五錢

滑石 春冬一兩二錢半  
夏一兩半秋二兩

又方薑麩丸

神麩 六兩 陳麥 亦可 茴香 五錢 生薑 一兩

右炒白朮炒麩炒芍藥或丸或散或湯作丸子切當

凡有聲有物謂之嘔吐有聲無物謂之噦

有痰隔中焦者食不得下者有氣逆者 有寒氣鬱於胃口者

然胃中有火與痰而致嘔吐者多

胃中有痰有熱

朱奉議以半夏生薑橘皮為主

孫真人誤以噦為咳逆

劉河間謂嘔者火氣炎上此特一端耳

胃中有熱膈上有痰二陳湯加炒梔子黃連生薑

久病嘔者胃虛不納穀也用

生薑 人參 白朮 黃芪 香附

惡心 有熱 有痰 有虛

戴云惡心者無聲無物心中欲吐不吐欲嘔不嘔雖曰惡心非

心經之病皆在胃口上宜用生薑蓋能開胃豁痰也 皆用生薑隨證用藥

翻胃 卽膈噎 噎乃翻胃之漸 發揮備言

戴云翻胃有四血虛氣虛有熱有痰血虛者脉必數而無力氣虛者脉必緩而無力氣血俱虛者則口中多出沫但見沫大出者必死有熱者脉數而有力有痰者脉滑數二者可治血虛者四物爲主氣虛者四君子爲主熱以解毒爲主痰以二陳爲主大約有四 血虛 氣虛 有熱 有痰兼病 必用童便竹瀝薑汁半羊乳 糞如羊屎者斷不可治大腸無血故也 痰用二陳湯爲主寸關脉沉或伏而大有氣結滯者通氣之藥皆可用也寸關脉沉而澹氣虛四君子

湯爲主血虛四物湯爲主左手脉無力大不可用香燥之藥服之必死宜薄滋味

馬剝兒燒灰存性一錢重好棗肉平胃散二錢温酒調服食卽可下然後隨病源調理神効

陳皮 三斤 十兩 朴 三斤 二兩 草 三十兩 蒼 五斤

傷食

戴云惡食者胸中有物導痰補脾以二陳湯

白朮 山查 川芎 蒼朮

痞 食積兼濕 東垣有法有方

又痞滿方 吳茱萸 三兩 黃連 八兩 粥爲丸

軟石膏礮末醋丸如菉豆大瀉胃火食積痰

噎氣 胃中有火有痰

南星 半夏 軟石膏 莎草根

或湯或丸

吞酸

戴云濕熱在胃口上飲食入胃被濕熱鬱遏其食不得傳化故作酸也如穀肉在器濕熱則易為酸也 必用茱萸順其性而折之及佐 茱萸 黃連

嘈雜

只是痰因火動

戴云此即俗謂之心嘈也

梔子薑炒黃連不可無

梔子黃芩為君

南星

半夏

橘皮

熱多加青黛

肥人嘈雜二陳湯加撫芎用蒼朮白朮炒梔子

五疸

不用分五同是濕熱如蠶繭相似

戴云五疸者周身皮膚并眼如梔子水染因食積黃者量其虛實下其食積其餘但利小便為先便利白其黃自退矣 熱多者加黃連

輕者用小溫中丸 重者用大溫中丸

濕多者茵陳五苓散加食積藥

消渴泄瀉

先用白朮白芍藥炒為末調服後却服消渴藥

養肺 降火 生血為主 分上中下治

黃連末 天花粉末 人乳 生地黃汁 生藕汁

右二物汁為膏入上藥搜和佐以薑汁和蜜湯為膏徐徐留於舌上以白湯少許送下

能食加軟石膏

瓜蒌根治消渴神藥

水腫

熱云水腫者通身皮膚光腫如泡者是也以健脾滲水利小便進飲食元氣實者可下

此因脾虛不能制水水漬妄行當以參朮補脾氣得實則自能健運自能升降運動其樞機則水自行非五苓之行水也宜補中行濕利小便水切不可下

二陳湯加白朮人參為主佐以蒼朮炒梔子黃芩麥門冬制肝木若腹脹少佐厚朴氣不通加木香木通氣若陷下升麻柴胡提之隨證加減必須補中

產後必用大補氣血為主少佐以蒼朮茯苓使水自降用白朮大劑補脾壅滿用半夏陳皮香附監之

有熱當清肺麥門冬黃芩之屬

一方用山梔子去皮取仁炒槌碎米飲送下若胃脘熱病在上者帶皮用

鼓脹

又名單鼓

其詳在格致論中

大補中氣行濕此乃脾虛之甚須必遠音樂斷厚味以大劑人參白朮佐以陳皮茯苓蒼朮之類

有血虛者當以四物湯行血

脈實兼人壯盛者或可用攻藥便可收拾白朮為主厚朴治腹脈因味辛以散其氣在中焦故也

白汗

屬氣虛

虛濕熱

陽虛

東垣有法有方

人參

黃芪

倭桂枝陽虛附子亦可用

撲法 牡蠣 麩皮 藁本 糯米 防風 白芷 麻黃根

右為末週身撲之

火氣上蒸胃中之濕亦能作汗涼膈散主之  
痰證亦有汗者

盜汗血 陰虛

戴云盜汗者睡則汗自出覺則無矣非若自汗而自出也 小兒不須治

東垣有法有方當歸六黃湯

盜汗方

白朮四兩 一兩用黃芪同炒 一兩石斛同炒

各微黃色餘藥不用止用白朮

右為細末每服三錢用粟米湯調下盡四兩為効

喫逆

有痰 氣虛 陰火 視其有餘不足治之

戴云喫逆者因痰與熱胃火者極多

不足者人參白朮湯下大補丸

有餘并痰者吐之用人參蘆之屬

頭風 有痰者多

左屬風 荆芥 薄荷

屬血虛 川芎 當歸 芍藥

右屬痰 蒼朮 半夏

屬熱 黃芩

搐藥有用草撥指膽

頭痛 多主於痰



痛甚者火多 亦有可吐者 亦有可下者

清空膏准諸般頭痛除血虛頭痛不治

血虛頭痛自魚尾上攻頭痛必用川芎當歸湯

古方有追涎藥 出東垣試効

羌活 防風 黃連各一兩 柴胡七錢 川芎二錢

甘草兩半 黃芩三兩 碎一兩 酒炒一兩

右為末每服二錢已執蓋內入茶少許湯調如膏抹在口內

少用湯送下臨卧服之

頭眩

痰挾氣虛火治痰為主 挾補氣藥并降火藥

屬痰 無痰則不能作眩 屬火 痰因火動

又有濕痰者 有火多者

左手脉數熱多 脉濇有死血

左手脉實痰積 脉大者必是久病也

眩運 火動其痰

二陳湯加黃芩蒼木羌活散風行濕或用防風行濕之劑可也

昔有老婦患赤白帶一年半是頭眩坐立不久睡之則安

專用治赤白帶除之其眩則自安矣

眉稜痛

風熱痰 作風痰治類頭風 曰木酒黃芩末茶調

又方川烏頭草烏二味為君童便浸洗炒去毒細辛羌活黃芩

甘草佐之

耳聾

少陽厥陰熱多 皆屬於熱耳鳴者是

薛氏醫按  
戴云亦有氣閉者益亦是熱氣閉者耳不鳴也

草麻子四粒 棗肉十枚

右入乳搗成膏子石頭上畧晒乾便丸如桐子大以綿裹塞於耳中

又方用鼠膽入耳中尤好 仍開痰散風熱

大病復須用四物湯降火

有陰虛火動耳聾者亦如上法

平治會萃第二

薛氏醫按

元 朱 震亨 著

明薛 己校 吳中珩閱

心痛 卽胃脘痛

心痛雖日數多不喫飲食不死若痛方止便喫還痛用須三五服藥後方可喫物

大凡心膈之痛須分新久若明知身受寒氣口食寒物而病於初得之時當以溫散或溫利之藥若日病得之稍久則成鬱矣鬱則蒸熱熱則久必生火原病式中備言之矣若欲行溫利寧無助火添病耶由是古方中多以山梔爲熱藥之向導則邪伏而病易退正易復而病易安雖然病安之後若縱姿口味不改前非病復作時必難治也

山梔炒去皮每十五箇濃煎湯一呷入生薑汁令辣再煎小沸服或入芎一錢尤妙山梔大者用七箇或九箇大槩胃口有熱而作痛非山梔子不可佐以薑汁或半夏橘紅各五黃芩三甘一用二陳湯加蒼芎倍加炒梔痛甚者加炒乾薑從之反治之法心痛輕者散之麻黃桂枝重者加白礞川芎蒼朮梔子必炒去皮用作丸服

凡治病必須先問平日起居如何假如心痛有因平日喜食熱物以致死血流於胃口作痛用桃仁承氣湯下之切記輕者用韭汁桔梗能開提氣血藥中兼用之以物拄按痛則止者挾虛也以二陳湯加炒乾薑和之有虫痛者面上白斑唇紅能食屬虫治苦棟根錫灰之類脉堅實不大便者下之痛甚者脉必伏多用溫藥不用參朮可用附子

諸症不可用補氣藥

客寒犯胃草薏蔻丸用之熱亦可用止用一二服

草薏蔻一錢四分吳茱萸湯炮洗去梗焙研益智仁

白僵蚕燒去皮橘皮人參黃芪各八分生甘草

歸身甘草青皮各六分麴末姜黃各四分

桃仁七箇去皮半夏洗一錢半麥蘖炒黃澤瀉一錢小

柴胡四分詳膈下痛多為用之

右一十八味除桃仁另研如泥外餘極細末同桃仁研勻用湯泡蒸餅為丸如桐子大每服三十九食遠用熱白湯送下旋斟酌多少用之

又方用黃荊子炒焦為末米飲調服亦治白帶

又方脾痛用海蛤粉佐以香附末用川芎山梔生薑煎辣湯調

服為佳

又方單用牡蠣粉酒調下一二錢氣實不可用

醫疼

濕熱醫疼者遇天陰或久坐而發者是也腎虛者疼之不已者是也瘀血者日輕夜重是也

脈大者腎虛用杜仲龜板黃柏知母枸杞五味之類用猪脊髓

脈澀者瘀血用補陰丸中加桃仁紅花

濕熱者用蒼朮桂神黃柏用芎 痰者用南星

凡諸痛皆屬火寒涼藥不可峻用必用溫散之藥

諸痛不可用人參蓋人參補氣氣旺不通而痛愈甚肝下忽大

痛者人中如黑色者多死難治也

人面土忽有紅點者多死

脇痛

肝火盛 木氣實 有死血 肝急 有痰流注

木氣實 川芎 蒼朮 青皮 當歸

龍會丸瀉火要藥

死血 桃仁 紅花 川芎

痰流注 二陳湯加 南星 蒼朮 川芎

肝苦急急食辛以散之用撫芎蒼朮血病入血藥中行血脇痛

甚者用薑汁下龍會丸火盛故也

咳嗽脇痛二陳湯加南星多香附青皮青黛姜汁

腹痛

有寒 積熱 死血 食積 濕痰

戴云寒痛者綿綿痛而無增減者是時痛時止者是熱也死血

痛者每痛有處不行移者是也食積者甚欲大便利後痛減者是濕痰者凡痛必小便不利

脈弦強者食 脈滑者痰

滑痰多作腹痛用蒼芎蒼木香附白芷生薑汁入湯服腹中水鳴乃火擊動其水也二陳湯加黃芩黃連梔子 凡心腹痛必用溫散此是鬱結不散阻氣不運故病在下者多屬食宜溫散一老人腹痛年高不禁下者用

川芎 蒼木 香附 白芷 乾薑 茯苓 滑石

痛風

四肢百節走痛 風熱 風濕 血虛 有痰

大法之方

蒼木 南星 川芎 白芷 當歸 酒黃芩

在上者加羌活 桂枝 桔梗 威靈仙

在下者加牛膝 防已 木通 黃柏

血虛者多用川芎 當歸佐以 桃仁 紅花

薄桂治痛風無味而薄者獨此能橫行手臂領南星蒼木等治

上中下痛風方

威靈仙三錢 南星二兩 蒼芎一兩 白芷半兩 桃仁五錢

桂枝三錢 防已半錢 蒼木二兩 黃柏酒浸 紅花一錢

羌活三錢 神麴炒 草龍膽五分

張子元氣血虛有痰濁陰火痛風

人參一兩 白木二兩 黃柏炒 海石一兩 瑣陽五錢

乾薑燒 南星一兩 敗龜板酒炙 熟地黃二兩 粥為丸

治臂痛

治臂痛

治臂痛

四

也百三

薛氏醫案 卷之二 治會者第二

半夏 一錢 陳皮 五分 茯苓 五分 蒼朮 一錢 酒芩 一錢  
靈仙 三分 白朮 一錢 甘草 少許 南星 一錢 香附 一錢

勞瘵 其主在乎陰虛 痰與血病

青蒿一斗五升童便三斗文武火熬約童便減二斗去蒿熬至一斗入猪膽汁七箇再熬數沸甘草末收之 虛勞身瘦屬

火因火燒燥

勞病四物湯加人尿薑汁

咳血 痰盛 身熱多是血虛

戴云咳血者嗽出痰內有血者是嘔血者嘔全血者是咯血者每咯出皆是血疙瘩衄血者鼻中出血也溺血小便出血也下血者大便出血也雖有名色分六俱是熱證但有虛實新舊之不同或妄言為寒者誤也 青黛 訶子 山梔 海石

瓜萸仁

右為末薑汁蜜調噲化嗽甚者加杏仁後以八物湯加減調理 身熱多是血虛四物湯加減

嘔血 火載血土錯經妄行

脉大發熱喉中痛者是氣虛用人參黃芪蜜炙黃柏荆芥并當歸生地黃用之

嘔血用韭汁童便薑汁磨鬱金同飲之其血自清

火載血上錯經妄行四物湯加炒梔子童便薑汁 山茶花童

便薑汁酒調 鬱金末治吐血入薑汁童便 痰帶血絲出者

童便薑汁竹瀝

又方用韭汁童便二物相合用鬱金細研入在二物之內同飲其血自消

薛氏醫案

卷之二 治會者第二

五

也百聖

治衄血上行衄金如無山茶花代薑汁童便和好酒調服即止

咯血

薑汁童便青黛入血藥中用之加以四物湯地黃膏牛膝膏類

衄血

涼血行血為主 犀角地黃湯入鬱金同用

經血逆行或血腥或唾血吐血用韭葉汁立効

溺血

屬熱 山梔子炒水煎服 或用小蘗琥珀

有血虛者四物湯加牛膝膏

下血

不可純用寒涼藥必於寒涼藥中用辛味并溫如酒浸炒涼藥

酒煮黃連之類

有熱四物湯加炒梔子升麻秦艽膠珠

下血屬虛當溫散四物湯加炮乾薑升麻

又方用白芷五倍子丸 凡用血藥不可單行單止有風邪下

陷宜升提之蓋風傷肝肝生血故有濕傷血宜行濕消熱可也

內經謂身熱即死寒則生此亦是大槩言之必兼證詳之則可

今豈無身熱生寒而死者

脈沉小流連或微者易治

脈浮大洪數者難愈宜滑不宜弦

仲景治痢可濕者五法可清者十法或解表或利小便或待其

自已區分易治難治極密但與瀉同立法不分學者當辨之

大孔痛一曰溫之一曰清之久病身冷自汗脈沉小者久暴

暴病身熱脈浮洪者宜病

有可吐者 有可下者 有可汗者

初得時原氣未虛必推蕩之此通用之法稍久氣虛則不可

先水瀉後膿血此脾傳腎賊邪難愈

先濃血後水泄此腎傳脾微邪易愈

如豈汁者濕也蓋脾胃為水穀之海無物不受常兼四臟故如

五色之相雜當先通利此迎而奪之之義如虛者亦宜審之

因熱而作不可用巴豆等藥如傷冷物者或可用亦宜謹之

又有時疫作痢一方一家之內上下傳染相似却宜明逆氣之

勝復以治之

腸風 獨在胃與大腸出

用黃芩 秦芫 槐角 升麻 青黛

夢遺 專主熱 脫精

戴云因夢交而出精者謂之夢遺不因夢而自泄精者謂之精滑皆相火所動久則有虛而無寒者也 帶下與夢遺同法治

青黛 海石 黃柏 卽椿樹根丸

內傷氣血不能固守當補入物湯加減吞椿樹根丸思想成病

其病在心安神帶補熱則流通

知母 黃柏 蛤粉

精滑 專主濕熱

戴云滑者小便精滑下也俱是膀胱濕熱雖有赤白之異終無寒熱之別河間云天氣熱則水渾濁寒則澄徹清冷由此觀之濁之為病濕熱明矣

黃柏 知母 牡蠣 蛤粉

又方 良姜 三錢 芍藥 二錢 黃柏 二錢 煨樹皮 白皮一兩半



右為末糊為丸每服三十九

濁

濕熱 有痰 有虛 赤濁屬血 白濁屬氣痢帶同 寒則堅 凝 熱則流通

大率皆是濕熱流注宜燥中宮之濕用二陳湯加蒼朮白朮燥去濕赤者乃是濕傷血加白芍藥仍用珍珠粉丸如椿樹根皮滑石青黛等作丸

虛勞者用補陰藥大槩不

肥白人必多痰以二陳湯去其熱胃弱者兼用人參以柴胡升胃中之氣丸藥用

青黛

黃柏炒色

乾薑炒微黑

海石

蛤粉

胃中濁氣下流為赤白濁者用柴胡升麻蒼朮白朮二陳湯丸

藥用糯米蛤粉炒薑炒黃柏

專主胃中之濁氣下流滲入膀胱用青黛蛤粉

肝脈絃者用青黛以瀉肝

又方

黃柏

一兩炒黑

生柏

二錢半一作三兩

海石

三兩神麴五錢

右為末水為丸

有熱者

黃柏

滑石

青黛之類

燥濕痰

南星

半夏

蛤粉

右神麴為丸青黛為衣或用海石代麴

張子元氣血兩虛有痰痛風時作陰火間起小便白濁或帶下

赤白方在前痛風中

一人便濁常有半年或時夢遺形瘦作心虛主治珍珠粉丸和

勻定志丸服

薛氏醫案

脾胃論卷之二

八

地黃丸

一婦人年近六十形肥奉養膏粱飲食肥美中焦不清濁氣流入膀胱下注白濁白濁即是濕痰也

戴云斷用二陳湯去痰加升麻柴胡升胃中之清氣加蒼朮去濕白朮補胃全在活法服四貼後濁減大半覺胸滿因柴胡升麻升動其氣痰阻滿閉用二陳湯加炒麩白朮素無痰者升動胃氣不滿

青黛 椿皮 蛤粉 滑石 乾薑 黃柏炒

右為末炒神麩丸仍用前燥濕痰丸亦能治帶

又方 滑石利竅 黃柏治濕熱 青黛解鬱結 蛤粉鹹寒

入腎 炒乾薑味苦飲肺氣下降使陰血生薑監治之

淋 皆屬於痰熱

淋者小便淋瀝欲去不去不去又來皆屬於熱也宜解熱利小

便山梔子之類用苦 甘草煎服諸藥中皆加牛膝

老人亦有氣虛者人參白朮中帶木通山梔

亦有死血作淋者以牛膝作膏此證亦能損胃不食

小便不通

氣虛 血虛 痰 風閉 實熱

吐之以提其氣氣升則水自下蓋氣承載其水也 氣虛用人

參黃芪升麻等先服後吐或參芪藥中探吐血虛四物湯先服

後吐芎歸湯吐亦可痰多二陳湯先服後吐皆用探吐痰氣閉

塞二陳湯加木香香附探吐實熱者宜利之

一婦人脾痛後患大小便不通此是痰隔中焦氣滯於下焦二

陳湯加木通初喫後煎相吐之

關格

戴云關格者謂膈中覺有所礙欲升不升欲降不降欲食不食此為氣之橫格也

必用吐提其氣之橫格不必在出痰也

有痰以二陳湯吐之吐中便有降有中氣虛不運者補氣藥中升降

小便不禁 屬熱 屬虛

戴云小便不禁出而不覺赤者有熱白者為氣虛也熱者五苓

散加解毒散虛者五苓散加四物湯

癩 驚 痰 宜吐

戴云癩者俗曰豬癩風者是也

大率行痰為主

黃連 南星 瓜蒌 半夏

尋痰尋火分多少治無不愈

分痰分熱有熱者以涼藥清其心

有痰者必用吐藥吐後用東垣安神丸

此證必用吐吐後用平肝之藥青黛柴胡川芎之類

健忘

戴云健忘者為事有始無終言談不知首尾此以為病之名非

比生成之愚頑不知世事者

精神短少者多 亦有痰者

怔忡 大槩屬血虛

有慮便動屬虛 時作時止痰因火動

戴云怔忡者心中不安踢踢然如人將捕者是也

瘦人多是血少 肥人屬痰尋常者多是痰

真覺心跳者是血少用四物安神之類

驚悸

血虛 用硃砂安神丸

症 大率與癩病相似

多是血虛有火兼痰人參竹瀝之類不用兼風藥

血塊 一名積瘕

塊在中為痰飲 在右為食積 在左為血積

氣不能作塊成聚塊乃有形之物痰與食積死血此理曉然醋

煮海石三稜莪朮桃仁紅花五靈脂香附之類 白朮湯吞下

瓦龍子能消血塊次消痰

治塊當降火消食積食積即痰也

行死血塊去須大補石礮一物有痰積有血塊可用洗滌垢膩

又消食積

吐虫

以黑錫炒成灰檳榔末米飲調

癥瘕

戴云積聚癥瘕有積聚成塊不能移動者是瘕或有或無或上或下或左或右者是瘕

用蜀葵根煎湯煎人參白朮陳皮青皮甘草稍牛膝成湯入細研桃仁玄明粉各少許熱飲一服可見塊下病重補接之後加減再行

消塊丸即千金大消石丸止可磨塊不令人困須量虛實而用

硝石 六兩 大黃 八兩 人參 甘草 各三兩

右為末以三年苦酒三斗置銅器中以竹片作準每入一升作一刻柱器中熬先納大黃不住手攪使微沸盡一刻乃下

餘藥又盡一刻微火熬便可丸則取丸如鷄子中黃大每服  
一丸米飲下如不能大丸則作小丸如桐子大每服三十九  
後下如鷄肝如米泔赤黑等色下後忌風冷淡軟粥將理  
又三聖膏

未化石灰半斤為末瓦器中炒令淡紅色提出火外候熱少  
減次下大黃末以大黃一兩為末就爐炒同熱減入桂心末  
半兩略炒六米醋熬成膏藥厚攤火烘熱貼患處  
貼積聚塊

大黃朴硝各一兩為末用大蒜搗膏和勻貼之  
痞塊在皮裏膜外須用補氣香附開之兼二陳湯加補氣藥先  
須斷厚味

茶癖

石膏 黃芩 升麻

右為末砂糖水調服

瘦氣

先須斷厚味 海石藻 一兩 黃藥 二兩

右為末以少許置於掌中時時舐之津燕下 如消三分之

二須止後藥服

食積一方乃在婦人門食積條下

疝

濕熱痰積流下作痛大槩因寒鬱而作也即是痰飲食積并血  
戴云疝本屬厥陰肝之一經余嘗見俗說小腸膀胱下部氣者  
皆妄言也

子和云疝本肝經宜通勿塞只此見治之法  
專主肝經與腎絕無干 不宜下

癩濕多 疝氣灸大敦八

食積與瘀血成痛者

梔子 桃仁 山查 枳實 吳茱萸

右為末生薑汁順流水作湯調服

按之不定必用桂枝屬虛

桂枝 山梔炒 烏頭細切炒

右為末薑汁為丸每服三十九劫痛

治疝方定痛速効 濕勝者加荔枝核炮

枳殼十五 山梔炒 糖棗炒 茱萸炒 或等分

又守効丸治癩要藥不疼者

蒼朮 南星 白芷 山查 川芎 半夏 枳實又云枳核

右為末神麴作丸

治陽明受濕熱傳入大腸惡寒發熱小腸連毛際結核悶痛不可忍

山梔炒 枳殼炒 桃仁炒 山查等分

右研細砂鉢內入生薑汁用水一盞煎令沸熱服之治諸疝發時用海石香附二味為末以生薑汁湯調服亦能治心痛

治疝方

梔子 桃仁 橘核 茱萸 川烏 研細煎服

劫藥用烏頭細切炒梔子枳核散單止痛

腳氣

蒼朮鹽炒 白朮 防己 檳榔 川芎

犀角 甘草 木通 黃連 生地黃酒炒

黃柏

有熱加黃芩黃連 有痰加竹瀝薑汁

大熱及時令熱加石膏大便實加桃仁小便澀加牛膝有食積流注

蒼朮 黃柏 防已 南星 川芎 白芷 作丸

犀角 檳榔 血虛加牛膝 龜板

如常腫者專主乎濕熱朱先生有方肥人加痰藥

戴云有脚氣衝心宜四物湯加炒柏再宜湧泉穴用附子津拌貼以艾灸泄引其熱

健步丸

歸尾 芍藥 陳皮 蒼朮 各一兩 生地黃 兩半 大腹子 三兩

牛膝 各半兩 茱萸 兩 條黃芩 兩半 桂枝 二錢

右為末蒸餅為丸每服百丸白朮通草煎湯食前下一婦人足腫

黃柏 蒼朮 南星 紅花 酒洗 草龍膽

川芎 牛膝 酒洗 生地黃

筋動於足大指動上來至大腿近腰結了奉養厚因風寒作四物湯加酒芩紅花蒼朮南星

筋轉皆屬乎血熱四物湯加酒芩紅花

大病虛脫本是陰虛用艾灸丹田者所以補陽陽生則陰生故也不可用附子可用參多服

痿

斷不可作風治而用風藥

濕熱 痰 無血而虛 氣弱 瘀血

濕熱東垣健步方中加燥濕降陰火藥芩柏蒼朮之類濕痰二

陳湯中加蒼朮白朮芩柏之類入竹瀝

薛氏醫按 平治會萃卷二 古

氣虛四君子湯中加蒼朮黃芩黃柏之類  
血虛四物湯中蒼朮黃柏下補陰丸  
亦有食積妨碍不得降者 亦有死血者  
健步丸方

羌活 柴胡 滑石炒 甘草炙 天花粉酒製各二兩  
防已及酒 澤瀉各三錢 肉桂半錢 川烏 苦參酒製各一錢  
防風三錢

右為末酒糊丸如桐子大每服七十九煎愈風湯以空心服

發熱 陰虛難治

戴云凡脉數而無力者便是陰虛也

陰虛發熱用四物湯加黃柏兼氣虛加參芪白朮蓋四物湯加黃柏是降火補陰之妙藥

又云陰虛發熱用四物湯甚者加龜板炒黃柏

喫酒人發熱者難治不飲酒之人若因酒而發熱者亦難治

一男子年三歲因酒發熱用青黛瓜蒌仁姜汁每日以數匙入口中三日而愈

陽虛惡寒

戴云凡背惡寒甚者脉浮大而無力者是陽虛也用人參黃芪之類甚者加附子少許以行參芪之氣

一女子惡寒用苦參一錢赤小豆一錢為末壅水吐用川芎蒼朮南星黃芩酒麴丸

手心熱

梔子 香附 蒼朮 白芷 川芎 半夏生用  
右為末麴糊丸

薛氏醫按 平治會萃卷二 七五 也



手麻

此是氣虛也

手木

東垣云麻木氣不行也補肺中之氣

是濕痰死血 十指麻是胃中有濕痰死血

厥

因痰 用白朮 竹瀝

厥者手足冷也熱厥逆也非寒證因氣虛

熱承氣湯外感解散加姜汁酒

面寒面熱

火起 寒鬱熱 面寒 退胃熱

疾痺

大槩多是熱痰也只以桐油吐之

或用射干逆流水吐

又方用李實根皮一片噙口內更用李實根碾水傅頂上立効

新採園中者

纏喉風

戴云屬痰熱纏喉風者謂其咽喉裏外皆腫者是也用桐油以

鴨翎探吐 又法因燈油脚探吐之

又方用遠志去心水調傅頂上一遭立効

咽喉生瘡并痛

多屬虛血熱游行無制客於咽喉

人參蜜炙

黃柏

荆芥

虛

人參

竹瀝

無實火

熱 黃連 荆芥 薄荷 硝石

右為細末用蜜薑汁調噙

血虛 四物湯中加竹瀝

口瘡

服涼藥不愈者此中焦氣不足虛火泛上無制

用理中湯甚者加附子 或噙官桂亦可

又方用西瓜漿水口痛甚者以此徐徐飲之冬月紫榴皮燒灰

噙亦可

酒皸鼻 血熱入肺

四物湯中加陳皮紅花酒炒黃芩煎入好酒數滴就炒五靈脂

末服効

又用桐油入黃連以天吊藤燒油熱傅之

肺癰

已破入風者不治 搜風湯吐之 出醫壘元戎

收斂瘡口止有合歡樹皮白斂煎湯飲之

肺痿

專主養肺養血養氣清金

天泡瘡

通聖散及蚯蚓泥畧炒蜜調傅之妙

從肚皮上起者裏熱發外還服通聖散可也

漏瘡

先須服補藥以生氣血即參芪朮歸芎為主大劑服之外以附子末唾和作餅如錢厚以艾炷灸之漏大艾炷亦大漏小艾炷亦小但灸令微熱不可令痛乾則易之乾研為末再和再灸如

困則止來日如前法再灸直至肉平為効亦有用附片灸仍前  
氣血藥作膏藥貼之

痔漏

用五倍子朴硝桑寄生蓮房煎湯先薰後洗腫者用木鱉子五  
倍子研細末調傅  
漏專以涼藥為正

痔漏方

人參

黃芪

當歸

川芎

生地

升麻

枳殼

條芩

槐角

腸癰

作濕熱食積治

入風難治

治漏外塞藥

蘆甘石小便煨

牡礪粉

結核

或在頸在項在身在臂如腫毒者多痰注作核不散治耳後頂  
門各一塊

僵蚕炒

青黛

膽星

酒大黃

右為末蜜丸陰化之

頸頰下生痰核

二陳湯加炒大黃

連翹

桔梗

柴胡

治臂核作痛

連翹

防風

川芎

酒芩

蒼朮

皂角刺

治環跳穴痛防生附骨癰方

以蒼朮佐黃柏之辛行以青皮冬月加桂枝夏月加條子黃  
芩體虛者加土牛膝以生甘草為使大料煎入生薑汁帶辣

食前飲之病甚者恐木栢桂枝十數貼發不動少加麻黃一  
兩貼又不動者恐癰將成矣急掘地成坑以火煨紅沃以小  
便赤體坐其上以被蓆圍抱下體仗熱氣薰蒸腠理開血氣  
暢而愈

脫肛

氣熱 氣虛

氣虛補氣用 人參 當歸 黃芪 川芎 升麻  
血虛者四物湯 血熱者涼血四物湯加黃柏炒

